



Број/Број: 01,02-50-1-18-7/07  
Сарајево/Sarajevo, 24.7.2009.

## ZAPISNIK

### 13. zajedničke sjednice oba doma Parlamentarne skupštine BiH,

održane 14. 7. i 24.7.2009. godine, s početkom u 15.40 sati

**Prisutni članovi Parlamentarne skupštine BiH:** 32 poslanika iz Predstavničkog doma i 13 delegata iz Doma naroda.

**Opravdano odsutni poslanici iz Predstavničkog doma:** Sead Jamakosmanović, Sadik Bahtić, Mehmed Suljkanović, Sefer Halilović, Drago Kalabić, Željko Kuzmanović, Jovan Todorović, Savo Erić, Hadži Jovan Mitrović i Sadik Ahmetović.

**Opravdano odsutni delegati iz Doma naroda:** Mladen Ivanić i Zoran Koprivica.

**Prisutni članovi Vijeća ministara BiH:** Nikola Špirić, predsjedavajući Vijeća ministara BiH, Tarik Sadović, ministar sigurnosti BiH, Sredoje Nović, ministar civilnih poslova BiH, Safet Halilović, ministar za ljudska prava i izbjeglice BiH, Rudo Vidović, ministar prometa i komunikacija BiH, Vilim Primorac, zamjenik ministar vanjske trgovine i ekonomskih odnosa BiH.

**Ostali prisutni:** predstavnici međunarodnih organizacija u Bosni i Hercegovini – OHR-a, OSCE-a, EURS-a, DFID-a, predstavnici nevladinih organizacija CCI-a i NDI-ja, predstavnici Ambasade SAD-a, te USAID-ovog Projekta jačanje parlamenta u BiH.

**Sjednicu je otvorio i njome predsjedavao Beriz Belkić, predsjedavajući Predstavničkog doma Parlamentarne skupštine BiH.**

U uvodnim napomenama Beriz Belkić naglasio je da je dnevni red 13. zajedničke sjednice oba doma Parlamentarne skupštine BiH utvrdio Zajednički kolegij, te da, u skladu s poslovničkim odredbama, o njemu nema rasprave.

Također, upoznao je prisutne da su se u vezi s tačkom 3. utvrđenog dnevnog reda koja glasi:

"Informacija o stanju i razvoju DKP mreže Bosne i Hercegovine",

desile određene promjene. Naime, Komisija za vanjske poslove Predstavničkog doma, zbog neprisustva predlagača navedene informacije sjednici Komisije, nije razmatrala predložene materijale, te je shodno tome predložila Parlamentarnoj skupštini BiH da se ova tačka skine s dnevnog reda. I Komisija za vanjsku i trgovinsku politiku, carine, saobraćaj i komunikacije Doma naroda u svom mišljenju konstatirala je da materijali za razmatranje 3. tačke utvrđenog dnevnog reda nisu pripremljeni u skladu sa zaključcima i preporukama Parlamentarne skupštine BiH.

Nakon iznesenih obrazloženja, Beriz Belkić konstatirao je da se u skladu s preporukama nadležnih komisija, te neprisustva predlagača ministra vanjskih poslova BiH sjednici, tačka 3. skida s dnevnog reda 13. zajedničke sjednice oba doma Parlamentarne skupštine BiH.

U skladu s novonastalim okolnostima, za 13. zajedničku sjednicu oba doma Parlamentarne skupštine BiH utvrđen je sljedeći

### **DNEVNI RED**

1. Usvajanje zapisnika 7., 8., 9., 10. i 11. zajedničke sjednice oba doma Parlamentarne skupštine BiH;
2. Razmatranje dokumenata Vijeća ministara BiH, broj: 01,02-06-369/09, od 11.3.2009., s Mišljenjem Zajedničke komisije za evropske integracije Parlamentarne skupštine BiH, i to:
  - a) Prvi kvartalni pregled realizacije aktivnosti iz Akcionog plana za realizaciju prioriteta iz dokumenta Evropsko partnerstvo s BiH,
  - b) Izvještaj o stanju provođenja Privremenog sporazuma i SSP-a,
  - c) Razrada Akcionog plana za provođenje Privremenog sporazuma i SSP-a.

#### **Ad.1. Usvajanje zapisnika 7., 8., 9., 10. i 11. zajedničke sjednice oba doma Parlamentarne skupštine BiH**

##### **Primjedbu na zapisnik imali su:**

- **Dušanka Majkić**, koja je istakla da je u Zapisniku 7. zajedničke sjednice oba doma napravljena greška u datumu gdje umjesto "15.11.2009." treba da bude "15.11.2008.";
- **Remzija Kadrić**, koji je zatražio da se u Zapisniku 7. zajedničke sjednice oba doma na strani 2. u prvom pasusu iza riječi "sve stanovnike Bosne i Hercegovine" briše tačka i rečenica završi do kraja kako stoji u transkriptu 7. zajedničke sjednice oba doma.

Drugih primjedbi na zapisnike nije bilo.

**Parlamentarna skupština BiH usvojila je zapisnike 7., 8., 9., 10. i 11. zajedničke sjednice oba doma Parlamentarne skupštine BiH, zajedno s primjedbama Dušanke Majkić i Remzije Kadrića, a rezultati glasanja bili su sljedeći:**

#### **Predstavnički dom**

"za"	22	13 FBiH	6 RS
"protiv"	0		
"suzdržan"	2		

## Dom naroda

"za"	13	10 FBiH	3 RS
"protiv"	0		
"suzdržan"	0		

**Ad.2. Razmatranje dokumenata Vijeća ministara BiH, broj: 01,02-06-369/09, od 11.3.2009., s Mišljenjem Zajedničke komisije za evropske integracije Parlamentarne skupštine BiH, i to:**

- a) Prvi kvartalni pregled realizacije aktivnosti iz Akcionog plana za realizaciju prioriteta iz dokumenta Evropsko partnerstvo s BiH,
- b) Izvještaj o stanju provođenja Privremenog sporazuma i SSP-a,
- c) Razrada Akcionog plana za provođenje Privremenog sporazuma i SSP-a

U uvodnom izlaganju Beriz Belkić podsjetio je da je na 10. zajedničkoj sjednici oba doma, održanoj 30.7.2009., izvršena prezentacija Sporazuma o stabilizaciji i pridruživanju. Tom prilikom Nikola Špirić, predsjedavajući Vijeća ministara BiH, izložio je 30 prioriteta iz Evropskog partnerstva i aktivnosti koje je Vijeće ministara BiH preduzelo na njihovoj realizaciji.

Materijale za 2. tačku utvrđenog dnevnog reda Vijeće ministara BiH dostavilo je 11.3.2009., a Zajednička komisija za evropske integracije Parlamentarne skupštine BiH, kao nadležna komisija, o njima je mišljenje dostavila 28.4.2009.

Nakon uvodnog izlaganja, predsjedavajući sjednicom pozvao je Halida Genjca i Ivu Miru Jovića, kao izvjestioce Zajedničke komisije za evropske integracije, da daju kratko obrazloženje Mišljenja ove komisije.

**Halid Genjac** u okviru svog izlaganja predložio je sljedeći

### Z A K L J U Č A K

"Zadužuje se Vijeće ministara BiH da najkasnije do kraja ove godine sačini i usvoji NACIONALNI PROGRAM INTEGRIRANJA BOSNE I HERCEGOVINE U EU koji će sadržavati:

1. Za svaku glavu Sporazuma o stabilizaciji i pridruživanju
  - pravni okvir,
  - pojedinačne obaveze i rokove izvršavanja.
2. Za svaku pojedinačnu obavezu
  - pravni okvir,
  - usklađenost s pravnom tečevinom EU (*Acquis communautaire*),
  - institucionalni okvir,
  - prioritete,
  - finansijske potrebe,
3. Mehanizme praćenja i ostvarivanja Programa.

Program će biti izrađen u koordinaciji sa svim relevantnim tijelima državne uprave na državnom i entitetskom nivou pod vodstvom Direkcije za evropske integracije.

Na kraju svake godine Vijeće ministara BiH i Parlamentarna skupština BiH ocjenjivat će ostvarivanje Programa integriranja a Vijeće ministara BiH pripremat će Program za sljedeću godinu.

Osnove za izradu Programa integriranja su Evropsko partnerstvo i Sporazum o stabilizaciji i pridruživanju, a godišnji Izvještaj o napretku služit će za godišnje ažuriranje Programa u smislu izmjena ili revizije."

**U raspravi o ovoj tački dnevnog reda učestvovali su:** Nikola Špirić, Šefik Džaferović, Husein Nanić,

**Šefik Džaferović** je, u okviru svog izlaganja, predložio sljedeći

#### Z A K L J U Č A K

1. "Parlamentarna skupština BiH izražava ozbiljnu zabrinutost zbog neispunjavanja obaveza BiH iz Mape puta za liberalizaciju viznog režima i zaostajanja u odnosu na druge zemlje iz regiona.
2. Zadužuje se Vijeće ministara BiH da bez odgađanja sačini i Parlamentarnoj skupštini BiH dostavi informaciju o razlozima kašnjenja u ispunjavanju obaveza iz Mape puta.
3. Zadužuje se Vijeće ministara BiH da pristupi ubrzanom ispunjavanju obaveza kako bi se BiH odobrio bezvizni režim zajedno sa zemljama iz regiona (Srbija, Crna Gora i Makedonija). O učinjenom je potrebno obavještavati Parlamentarnu skupštinu BiH svakih 30 dana.
4. Radi što efikasnijeg ispunjavanja ovih, ali i drugih obaveza, Parlamentarna skupština BiH spremna je zasjedati i tokom augusta 2009. godine."

**Husein Nanić predložio je da rasprava o 2. tački utvrđenog dnevnog reda prekine, te da bude nastavljena kada Vijeća ministara BiH dostavi šestomjesečni pregled realizacije aktivnosti iz Akcionog plana za realizaciju prioriteta iz dokumenta Evropsko partnerstvo s BiH.**

Predsjedavajući sjednicom pozvao je članove Parlamentarne skupštine BiH da glasaju o prijedlogu poslanika Huseina Nanića.

**Parlamentarna skupština BiH usvojila je prijedlog poslanika Huseina Nanića o prekidu rasprave o 2. tački dnevnog reda 13. zajedničke sjednice oba doma Parlamentarne skupštine BiH, a rezultati glasanja bili su sljedeći:**

#### Predstavnički dom

"za"	17	11 FBiH	6 RS
"protiv"	1		
"suzdržan"	3		

#### Dom naroda

"za"	12
"protiv"	0

Sjednica je prekinuta u 16,30 sati, uz napomenu predsjedavajućeg da će biti nastavljena 24.7.2009.

**Nastavak 13. zajedničke sjednice oba doma Parlamentarne skupštine BiH,  
održan 24.7.2009., s početkom u 10,15 sati.**

**Prisutni članovi Parlamentarne skupštine BiH:** 30 poslanika iz Predstavničkog doma i 12 delegata iz Doma naroda.

**Opravdano odsutni poslanici iz Predstavničkog doma:** Sead Jamakosmanović, Ekrem Ajanović, Azra Hadžiahmetović, Mehmed Suljkanović, Jozo Križanović, Vinko Zorić, Rifat Dolić, Milica Marković, Jovan Todorović, Savo Erić, Hadži Jovan Mitrović i Branko Dokić.

**Opravdano odsutni delegati iz Doma naroda:** Mladen Ivanić, Zoran Koprivica i Ilija Filipović.

**Prisutni članovi Vijeća ministara BiH:**

Nikola Špirić, predsjedavajući Vijeća ministara BiH, Dragan Vrankić, ministar finansija i trezora BiH, Bariša Čolak, ministar pravde BiH, Sredoje Nović, ministar civilnih poslova BiH, Sven Alkalaj, ministar vanjskih poslova BiH, Rudo Vidović, ministar komunikacija i prometa BiH, Safet Halilović, ministar za ljudska prava i izbjeglice BiH, Marina Pendeš, zamjenik ministra odbrane BiH, Živko Marjanac, zamjenik ministra odbrane BiH, Vilim Primorac, zamjenik ministar vanjske trgovine i ekonomskih odnosa BiH, Srđan Arnaut, zamjenik ministra pravde BiH, Mladen Simić, zamjenik ministra komunikacija i prometa BiH.

**Ostali prisutni:** predstavnici međunarodnih organizacija u Bosni i Hercegovini – OHR-a, OSCE-a, EUSR-a, DFID-a, predstavnici nevladinih organizacija CCI-a i NDI-a, predstavnici Ambasade SAD-a, te USAID-ovog Projekta jačanje parlamenta u BiH.

**Nastavkom sjednice predsjedavao je Beriz Belkić, predsjedavajući Predstavničkog doma Parlamentarne skupštine BiH.**

U uvodnim napomenama Beriz Belkić upoznao je prisutne s činjenicom da je planirano obraćenje Nj.E. Ollija Rehna, komesara za proširenje Evropske unije, iz objektivnih razloga otkazano, te da će članovima Parlamentarne skupštine BiH biti podijeljeno njegovo pismo.

U nastavku izlaganja podsjetio je da je 13. zajednička sjednica prekinuta tokom rasprave o 2. tački utvrđenog dnevnog reda, na prijedlog poslanika Huseina Nanića, te na činjenicu da se predsjedavajući Vijeća ministara BiH obavezao da će dostaviti ažurirane materijale u vezi sa izvršenjem obaveza iz Evropskog partnerstva, Sporazuma o stabilizaciji i

pridruživanju, Privremenog sporazuma, te Akcionog plana za liberalizaciju viznog režima. Također je konstatirao da je i Informacija o stanju i razvoju DKP mreže BiH dopunjena novim materijalima.

Nakon uvodnog izlaganja, Beriz Belkić konstatirao je da je za nastavak 13. zajedničke sjednice oba doma utvrđen sljedeći

## **DNEVNI RED**

2. Razmatranje dokumenata Vijeća ministara BiH, broj: 01,02-06-948/09, od 22.7.2009., s Mišljenjem Zajedničke komisije za evropske integracije Parlamentarne skupštine BiH, i to:
  - a) Prijedlog programa prioriteta usklađivanja u zakonodavnim aktivnostima za provođenje Evropskog partnerstva i privremenog sporazuma;
  - b) Polugodišnji pregled realizacije aktivnosti iz Akcionog plana realizacije prioriteta iz dokumenta Evropsko partnerstvo s BiH za period 1.1.2009. – 30.6.2009.;
  - c) Izvještaj o stanju provođenja Privremenog sporazuma i SSP-a, za period 1.1.2009. – 30.6.2009.
3. Plan aktivnosti za ispunjavanje preostalih obaveza i Mape puta za liberalizaciju viznog režima za građane Bosne i Hercegovine iz Izvještaja Evropske komisije, od 8.6.2009., i Aneksa pisma Evropske komisije, od 15.7.2009.
4. Informacija o stanju i razvoju DKP-e mreže Bosne i Hercegovine, broj: 01,02-50-3-754/09, od 18.6.2009., i broj: 01,02-50-3-754-1/09, od 22.7.2009.

**Ad.2. Razmatranje dokumenata Vijeća ministara BiH, broj: 01,02-06-948/09, od 22.7.2009., s Mišljenjem Zajedničke komisije za evropske integracije Parlamentarne skupštine BiH, i to:**

- a) **Prijedlog programa prioriteta usklađivanja u zakonodavnim aktivnostima za provođenje Evropskog partnerstva i privremenog sporazuma;**
- b) **Polugodišnji pregled realizacije aktivnosti iz Akcionog plana realizacije prioriteta iz dokumenta Evropsko partnerstvo s BiH za period 1.1.2009. – 30.6.2009.;**
- c) **Izvještaj o stanju provođenja Privremenog sporazuma i SSP-a, za period 1.1.2009. – 30.6.2009.**

**U raspravi o ovoj tački dnevnog reda učestvovali su:** Halid Genjac, Nikola Špirić, Šefik Džaferović,

**Poslovničku intervenciju ili korekciju citata (repliku) imali su:**

- nakon izlaganja Šefika Džaferovića – Azra Alajbegović, koja je zatražila govor Nikole Špirića u pisanom obliku; Milorad Živković, Sadik Ahmetović, Šefik Džaferović, Jerko Ivanković Lijanović, Drago Kalabić, Adem Huskić, Nikola Špirić, Bakir Izetbegović, Sadik Ahmetović, Selim Bešlić, Salko Sokolović, Nikola Špirić, Drago Kalabić, Remzija Kadrić.

Drago Kalabić je, u ime Kluba poslanika SNSD-a, zatražio pauzu u trajanju od 15 minuta.

Predsjedavajući je u 11,30 sati dao pauzu u trajanju od 15 minuta.

Sjednica je nastavljena u 11,55 sati.

Drago Kalabić je, prije nego što je rasprava nastavljena, dao obrazloženje zahtjeva za pauzu.

**U nastavku rasprave o ovoj tački dnevnog reda učestvovali su:** Božo Ljubić, Husein Nanić, Denis Bećirović, Halid Genjac, kao izvjestilac Zajedničke komisije za evropske integracije, te Sadik Bahtić.

**Poslovničku intervenciju ili korekciju citata (repliku) imali su:**

- nakon izlaganja Bože Ljubića – Drago Ljubičić, Remzija Kadrić;
- nakon izlaganja Sadika Bahtića – Niko Lozančić.

U 12,45 sati predsjedavajući Beriz Belkić dao je pauzu u trajanju od 2 sata.

Sjednica je nastavljena u 14.20 sati.

**Sjednica je nastavljena s korekcijama citata (replikama), i to:**

- Slavka Jovičića na diskusiju Denisa Bećirovića,
- Drage Ljubičića na diskusiju Halida Genjca.

**U nastavku rasprave o ovoj tački dnevnog reda učestvovali su:** Jerko Ivanković Lijanović, Mirko Okolić, Beriz Belkić, Dušanka Majkić.

Jerko Ivanković Lijanović je, nakon svog izlaganja, u okviru ove tačke dnevnog reda predložio sljedeći

## ZAKLJUČAK

- a) "Zadužuje se Vijeće ministara BiH da napravi plan aktivnosti s tačnim rokovima za osiguranje izvoza svih proizvoda životinjskog porijekla u EU i dostavi Parlamentarnoj skupštini BiH na usvajanje u roku 30 dana.
- b) Zadužuje se Vijeće ministara BiH da napravi plan aktivnosti u oblasti zaštite i poticaja domaće proizvodnje i isti dostavi Parlamentarnoj skupštini BiH na usvajanje u roku 60 dana.
- c) Zadužuje se Vijeće ministara BiH da iskoristi mogućnosti Sporazuma CEFTA i zakonodavstva u BiH, te po njima hitno, a najkasnije u roku 30 dana, donese zaštitne mjere za poljoprivredu u BiH."

**Poslovničku intervenciju ili korekciju citata (repliku) imali su:**

- nakon izlaganja Dušanke Majkić – Denis Bećirović, Lazar Prodanović.

Nakon što su govorili svi prijavljeni za raspravu o ovoj tački dnevnog reda, Beriz Belkić zaključio je konstatacijom da će se, nakon što nadležne komisije daju svoj stav o materijalima, domovi odvojeno o njima izjašnjavati na svojim sjednicama.

**Ad.3. Plan aktivnosti za ispunjavanje preostalih obaveza i Mape puta za liberalizaciju viznog režima za građane Bosne i Hercegovine iz Izvještaja Evropske komisije, od 8.6.2009., i Aneksa pisma Evropske komisije, od 15.7.2009.**

**U raspravi o ovoj tački dnevnog reda učestvovali su:** Alma Čolo, Slavko Jovičić, Božo Rajić, Lazar Prodanović i Beriz Belkić.

Nakon rasprave o ovoj tački dnevnog reda, predsjedavajući je konstatirao da će se, kao i o prethodnoj tački, o materijalima domovi odvojeno izjašnjavati na svojim sjednicama.

**Ad.4. Informacija o stanju i razvoju DKP mreže Bosne i Hercegovine, broj: 01,02-50-3-754/09, od 18.6.2009., i broj: 01,02-50-3-754-1/09, od 22.7.2009.**

U uvodnom izlaganju o ovoj tački dnevnog reda Beriz Belkić upoznao je prisutne da je Komisija za vanjske poslove Predstavničkog doma na svojoj sjednici u vezi s materijalima iz ove tačke usvojila zaključak kojim je utvrdila da se nisu stekli uslovi za kvalitetnu raspravu o stanju i razvoju DKP mreže Bosne i Hercegovine. U skladu s ovakvim stavom pomenute komisije, predsjedavajući je konstatirao da će domovi odvojeno na svojim sjednicama uvrstiti ovu tačku u dnevni red neke od svojih sjednica i o njoj raspravljati.

Sjednica je završena u 15,15 sati.

Sastavni dio ovog zapisnika je transkript 13. zajedničke sjednice oba doma Parlamentarne skupštine BiH.

Sekretar  
Predstavničkog doma  
Branka Todorović

Predsjedavajući  
Predstavničkog doma  
Beriz Belkić